



Broj: 12/08-23-9918-5/22

Zenica, 09.08.2022.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12/08-23-9918-4/22, od 05.08.2022. godine, u otvorenom postupku javne nabavke za radove broj: 1417-1-3-48-3-35/22 od 22.06.2022. godine, Kantonalna direkcija za ceste u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

ODLUKU

o izboru najpovoljnijeg ponuđača

I

U otvorenom postupku javne nabavke radova – „**Nastavak radova na rekonstrukciji dionice regionalne ceste Janjići-Grad Zenica (R-445 Zenica-Lašva)**“ broj: 1417-1-3-48-3-35/22 od 22.06.2022. godine, ponuda Grupe ponuđača koju čine MUŠINBEGOVIĆ GRADNJA d.o.o. Visoko i CESTE-COMPANY d.o.o. Kiseljak (broj MG-880/22 od 22.07.2022. godine) sa ukupno ponuđenom cijenom od 297.000,00 KM (bez uračunatog PDV-a) izabrana je kao najpovoljnija.

II

Grupe ponuđača koju čine MUŠINBEGOVIĆ GRADNJA d.o.o. Visoko (ID broj: 4218859910009, adresa MUHAŠINOVIĆI BB, 71300 Kakanj) i CESTE-COMPANY d.o.o. Kiseljak (ID broj: 4236216140000, adresa Kralja Tomislava 44, 71250 Kiseljak) dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i to u roku od 5 (pet) dana od dana zaprimanja Odluke o izboru najpovoljnijeg ponuđača. Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

III

Ponuda ponuđača „ŠPIC-BETON d.o.o. Zenica“ se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-9918/22 od 21.06.2022. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14). Obavještenje o nabavci broj: 1417-1-3-48-3-35/22 objavljeno je na Portalu javnih nabavki 22.06.2022. godine.

Komisija za javne nabavke imenovana rješenjem broj: 12/08-23-9918-2/22 od 22.07.2022. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda. U predviđenom roku za dostavljanje ponuda pristiglo je 7 (sedam) ponuda.

U periodu od 22.07.2022. godine do 02.08.2022. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača „ŠPIC-BETON d.o.o. Zenica“ se odbacuje jer nije dostavljena u skladu sa uslovima iz tenderske dokumentacije.

Naime, tačkom 12.6.1. a) Tenderske dokumentacije. Naime, navedenom tačkom propisano je da ponuđači trebaju ispuniti sljedeće minimalne uslove:

Uspješno iskustvo u realizaciji 1 (jednog) ugovora na izgradnji ili rekonstrukciji ili sanaciji javnih cesta, u posljednje 3 (tri) godine računajući od datuma predaje ponude, minimalne vrijednosti 250.000,00 KM bez PDV-a.

Ponuđač ŠPIC-BETON d.o.o. Zenica ovaj uslov nije dokazao obzirom da u dostavljenoj potvrdi naručioca nije naveden ugovor koji se odnosi na radove **rekonstrukcije ili sanacije ili građenja javnih cesta** u posljednje tri godine minimalne vrijednosti 250.000,00 KM bez PDV-a.

U ponudi je kao dokaz dostavljena potvrda o uspješno izvršenom ugovoru broj: 11-45-6868/20 od 30.03.2020. godine, naručioca Grada Zenice, za ugovor broj 02-14-15639-2/18 od 17.09.2018. (vrijeme izvršenja ugovora 20.01.2020. godine), koji se odnosi na „**Izvođenje radova na vanjskom uređenju ispred objekta Doma Zdravlja Zenica**“, gdje je navedena ukupna vrijednost izvedenih radova od 354.245,14 KM bez PDV-a. Dakle u dostavljenoj potvrdi nije naveden ugovor koji se odnosi na **radove rekonstrukcije ili sanacije ili građenja javnih cesta** a što nije u skladu sa zahtjevima iz tačke 12.6.1. a) i 12.7.a) tenderske dokumentacije.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), i tačke 12.6.1. a) i 12.7. a) tenderske dokumentacije, ponuda ponuđača „**ŠPIC-BETON d.o.o. Zenica**“ se odbacuje, jer nije potpuna i ne ispunjava zahtjeve iz tenderske dokumentacije.

Preostale pristigle ponude, Grupe ponuđača koju čine MUŠINBEGOVIĆ GRADNJA d.o.o. Visoko i CESTE-COMPANY d.o.o. Kiseljak i ponuđača DOBOJPUTEVI d.d. Doboj Jug, MGVS GRADNJA d.o.o. Zavidovići, KOMGRAD-ZE d.o.o. Zenica, JATA GROUP d.o.o. Srebrenik i ALMY-TRANSPORT d.o.o. Zenica, ispunjavaju postavljene uslove, te je za 04.08.2022. godine zakazano provođenje e-aukcije, sa početkom u 12:00 sati i predviđenim trajanjem od 10 minuta. E-aukcija je uspješno okončana, te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

Rbr	Ponuđač	Ukupna cijena ponude bez PDV-a
1.	MUŠINBEGOVIĆ GRADNJA d.o.o. Visoko i CESTE-COMPANY d.o.o. Kiseljak	203.888,00 KM
2.	DOBOJPUTEVI d.d. Doboj Jug	204.100,49 KM
3.	KOMGRAD-ZE d.o.o. Zenica	212.656,31 KM
4.	MGVS GRADNJA d.o.o. Zavidovići	213.417,86 KM
5.	JATA GROUP d.o.o. Srebrenik	221.589,29 KM
6.	ALMY-TRANSPORT d.o.o. Zenica	234.929,92 KM

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za Grupu ponuđača koju čine MUŠINBEGOVIĆ GRADNJA d.o.o. Visoko i CESTE-COMPANY d.o.o. Kiseljak. Ugovorni organ prihvatio je preporuku Komisije za javne nabavke da se najpovoljnijem ponuđaču, **Grupi ponuđača koju čine MUŠINBEGOVIĆ GRADNJA d.o.o. Visoko i CESTE-COMPANY d.o.o. Kiseljak**, dodijeli Ugovor za radove „Nastavak nastavak radova na rekonstrukciji dionice regionalne ceste Janjići-Grad Zenica (R-445 Zenica-Lašva)“.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda

Dostavljeno:

7 x svim ponuđačima,

1 x a/a

Obradio:

Elmedin Bašić


DIREKTOR
po ovlaštenju ministra

(Rasim Kovač)


Saglasan: ARNEL ISAK, ministar